



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput XIV. Confessio fidei, in casibus antedictis, fieri debet absque ulla
æquivocatione, contrariavè Religionis simulatione.

[urn:nbn:de:hbz:466:1-73203](#)

vel fidelium, perturbationem in infidelibus causat. Nam, ut S. Thomas loco citato ad 3. ait, *Si turbatio infidelium oriatur de confessione fidei manifesta, absque aliqua utilitate fidei, & fidelium, non est laudabile, in tali casu, fidem publicè confiteri. Unde Dominus dicit Matth. 7. „Nolite sanctum dare canibus, neque margaritas vestras spargite ante porcos, ne... conversi dirumpant vos. Sed si militias fidei aliqua spernetur, aut necessitas adfert, contempta perturbatione infidelium, debet homo publicè fidem confiteri.*

CAPUT XIV.

Confessio fidei, in casibus antedictis, fieri debet absqueulla equivocatione, contrarie religionis simulatione.

188 **P**robatur, quod absque æquivocatione, si quia fidem verbis æquivocis confitens, si fidem non abneget, eò quod verba æquivoca sensum verum admittant, saltem Christum erubescit, debitumque Deo & religioni honorem subtrahit, dum nonnisi tecù, & sub involucris verborum confessionis sive sensum ac veritatem manifestare audet. Unde Ambrosius lib. 10. in Luc. 22. *Non satis est involuta reffponsio confitentis Jesum, sed aperta confessio. Quid prodest verba involvere, si videri vis de negasse?*

189 Probatur etiam quod abique simulatione. 1º. quia falsam religionem simulare, est Christum erubescere. 2º. quia est veram religionem coram hominibus negare. 3º. quia simulatio illa, utpote factò aliud significans, quam sit in corde, detestabile est mendacium, Dei & religionis valde in honoratum, & proximis valde perniciosum. Denique est exteriori factò ac verbo negare fidem, interiori retentam. Et si aliquo patè excusabiles essent, qui æquivocatione vel simulatione negant exterius fidem, à SS. Patribus, & ab universa Ecclesia tamquam inexcusabiles damni non fuissent, quotquot in antiquis persecutionibus tormentorum metu fidem exteriorius negarunt; quandoquidem plures ex ipsis id licite facere potuissent, simulatione aliquā utendo, vel cum æquivocatione respondendo.

190 Dices cum Adriano in 4. q. 1. de bápt. a. 1. ad 5. argum. istis quidem argumentis evinci, quod illicita sit falsæ religionis simulatio, si fiat cum scandalo, vel dum urget preceptum fidem positivè confitendi: cæterum si factò quis idolatriam simulet, eo modo quo David iniuriam coram Rege Achis, non peccat (inquit) dummodò non interrogetur, cuius sit religio, dummodò etiam factò suo non sit alii futurus occasio, ut avertantur à fide.

191 Respondeo opinionem illam Adriani ab omnibus aliis Theologis (apud Suarez disp. 14. de fid. scđt. 4.) merito rejici. Quia li-

cet in dictis circumstantiis licitum sit fidem occultare, nunquam tamen licet eam exterius negare. Falsæ verò religionis simulatio, est externa quedam illius professio. Igitur est externa verae religionis negatio.

Nec refert, quod simulans non habeat animum fidem exterius negandi. Quia ad peccandum contra præceptum fidei exterius non negandæ, non requiritur animus eam exterius negandi; sed sufficit factum ex hominum institutione significans professionem religionis falsæ, & consequenter negationem fidei verae.

Objicies 1º. factum Naaman Syri 4. Re-

gum 5. qui ab idolatria ad fidem conversus à S. Patre nostro Eliseo, ab eo tamen permissionem obtinuit, ut, adorante Rege Syria in templo Remnon, & ipse adoraret: non quidem verè (dixit enim Eliseo, se ultra non adoraturum nisi Deum verum) sed fictè. Ad istud argumentum quidam Neotericus aliquando respondit, Naaman petiisse, & obtinuisse à Deo dispensationem, ut licet idolum Remnon adoraret. Sed hoc dici non potest. Absit enim ut Deus (gloriæ sua tanta zelotes, ut dicat: *Gloriam meam alteri non dabo*) cuicunque unquam permisit deo alieno divinitatis honorem deferri. Absit (inquam) ut idolatriam Naamano permisit: sola quippe hujus cogitatio horrorem incuit.

Respondeo ergo negando antecedens: 193 siquidem Eliseus, dicendo, *vade in pace*, non permisit Naaman, ut genuflecteret idolo Remnon, sed ut genuflecteret Regi suo, adoranti in templo Remnon; sive ut Regi suo, idolum adoranti, sic exhiberet politicum ministerium (etiam extra templum reddi solitum) ut tamen à circumstantibus intelligeretur non genuflectere idolo Remnon, sed Regi suo dumtaxat: eò quod utique Naaman palam profiteretur, se non idolorum, sed solius veri Dei cultorem, servareque protestationem suam, coram toto comitatu suo factam Eliseo: *Non faciet ultrà servus tuus holocaustum, aut victimam diis alienis, nisi Domino.*

Objicies 2º. factum Jehu 4. Regum 10. 194 qui, ut simul occidere posset omnes Prophetas Baal, finxit se velle colere Baal; eaque simulatione illos omnes ad se congregatos interfecit. Nec tamen in eo fuit à Deo reprehensus, sed laudatus: *Studiose egisti quod rectum erat, & placebat in oculis meis.*

Respondeo cum S. Augustino lib. 2. contra mendacium, & S. Thoma 2. 2. q. 111. a.... ad 2. simulationem Jehu non esse necesse excusari à peccato, quia malus fuit: utpote ab idolatria Jeroboam non recedens. Commendatur autem, & remuneratur à Domino, non pro simulatione, sed pro zelo quo destruxit cultum Baal.

Objicies 3^o. Si Hieronymus ad Galat. 2.
& epist. 89. ad Augustinum, docet, ceremonias legis veteris tempore mortis Christi nedum mortuas, sed & mortiferas fuisset, id est, non solum defuisse obligare, sed & illicitas evasisse; ab Apostolis tamen interdum observatas fuisset, non intentione per illas colendi Deum, sed prudenti quadam simulatione, quā simularunt se legem Moysi servare, ut Judæos lucrificarent.

Respondeo Hieronymum in ea quidem sententia fuisset, sed Augustinum ipsi (sicut & in mendacio officio) contradixisse, & prævaluuisse. Cum quo proinde dicendum, legem Mosaiicam à tempore mortis Christi, vel à promulgatione Evangelii, statim quidem mortuam, sed non statim mortiferam fuisset, sed aliquanto adhuc tempore Judeis permisam, tum ad sepeliendam Synagogam cum honore (quo significaretur, legem illam à Deo datam fuisset) tum ad faciliorem Judæorum conversionem. Propterè (inquam) Judæis permisam fuisset, usquedem scilicet lex Evangelica foret sufficienter prædicata, & per orbem diffusa. Quod proinde antequam factum esset, lex Moysi, justas ob causas, absque illa simulatione ab Apostolis, utpote Judeis, licebat servari potuit, non ut jam amplius significans Christi mortem ut futuram, sed ut praeteritam.

Instabis: Petrus peccavit, Antiochiae subtrahendo se à conversatione Gentilium, ad vitandum scandalum Judæorum (ideò namque à Paulo publicè reprehensus fuit.) Sed subtractio illa pertinebat ad ceremonias legis veteris. Igitur ceremoniæ post mortem Christi, & promulgationem Evangelii, non solum mortuæ, sed & mortiferae, id est peccaminosaæ fuerunt.

Respondeo cum S. Thoma 1. 2. q. 103. a. 4. ad 2. quod secundum Hieronymum Petrus simulatorie se à Gentilibus subtrahebat, ut vivaret Judæorum scandalum, quorum erat Apostolus. Unde in hoc nullo modo peccavit. Sed Paulus eum similiiter simulatorie reprehendit, ut vivaret scandalum Gentilium, quorum erat Apostolus. Sed Augustinus epist. 19. hoc improbat, quia Paulus in canonica Scriptura, scilicet ad Galat. 2. (in qua nefas est credere aliquid falsum esse) dicit quod Petrus reprehensibilis erat. Unde verum est quod Petrus peccavit, & Paulus vere eum, non simulatorie reprehendit. Non autem peccavit Petrus in hoc quod ad tempus legalia observabat: quia hoc sibi licet, tamquam ex Judæis converso; sed peccavit in hoc quod circa legallimam observantiam nimiam diligentiam adhibebat, ne scandalizaret Judæos, ita quod ex hoc sequebatur Gentilium scandalum. Debuit enim tantum in eo circumspectione uti, ut tam istorum, quam illorum scandalum vitaret.

Objicies 4^o. Plerique Martyres videntur simulatione usi in causa fidei. Sanctus quip-

pe Julianus (apud Surium ad diem 9. Januarii) à Præfide invitatus, ut dii in templo (eum in finem solemniter ornato) sacrificaret, ut templi destruccióne ingentem Gentilium numerum posset opprimere, respondit: *Quandoquidem hortaris, ut, omnibus in unum convenientibus, diis vestris immolemus, id quidem facere non piget: nam idèo semper distulimus, ut in hoc templo mirabili, magnum sacrificium, cunctis cernentibus, immolaremus.* Septem quoque sanctæ mulieres (apud eundem in actis S. Blasii ad 3. Februarii) Præfidi similiiter imperanti dixerunt: *Si vis, ut diis tuis sacrificemus, eamus prope lacum: nos autem cum abluerimus vultus nostros in lacu, accedemus, & eis sacrificabimus.* Quo cùm ventum esset, idola omnia in lacum projecterunt. Sanctus quoque Eusebius (testa D. Ambrosio serm. 69.) simulavit se velle subscribere Arianismo, ut expungere posset signaturam, quā eidem subscripterat suus in Christo filius Dionysius.

Respondeo ex circumstantiis, sive ex eventu patuisse, sanctos illos Martyres id non simulatorie, sed ironice dixisse, quemadmodum Deus Genes. 3. dixit: *Ecce Adam quis unus ex nobis. Et Michæs 3. Regum 22. dixit Achab: Ascende, & vade prosperè contra Ramoth Galaad, & tradet eam Dominus in manus Regis.* Contrarium tamen accidit. Aliás enim nullus bonus praetextus, nulla intentio bona ipso excusare potuit. Quia, ut S. Augustinus libro citato contra mendacium c. 6. ait: *simulatio si liceret, aut expediret, etiam causâ salutis, potuit Christus precipere oviis suis, ut lupinis amicta pellibus, ad lupos venirent, & illos hec artis fallacis inventirent; quod eis non dixit, nec quando eas in medium luporum se missurum esse prædictit. Sed ab isto blasphemias ignorantium Christum, sceleriter blasphemando vincamus.* Et cap. 7. *Si aliter omnino non possit educi de cavernis suis hæretica impietas, tolerabilius in suis foveis delitescerent vulpes, quam propter eas capiendas, in blasphemia foveam caderent venatores. Nam si propter eā iusta sunt.... mendacia, quia hoc animo sunt, ut hæretici occulti dereguntur, poterunt isti modo, si eodem animo sunt, casta esse adulteria.* Ex Augustino proinde manifestum est graviter peccasse notos in Belgio Diuicensis fraudis, ac simulationis Authores.

Ad id quod additur de Eusebio, respondeo cum Baronio ad annum 355. nec Dionysium subscriptisse Arianismo, nec Eusebium simulasse se velle ei subscribere; sed Dionysium subscriptissime condemnationi Athanasii, & Eusebium primâ facie sic se compoluisse, quasi vellet eidem condemnationi subscribere, ut tamen ex tota serie actionis ipsius apparuerit, stratagema fuisse, non simulationem. Nec contrarium benè probatur ex prætenso illo sermone Ambrosii: utpote qui Ambrosii non est,

ut Bellarmine observat in lib. de Scriptoribus. Eccles. cum Possevino, aliisque criticiis librorum Censoribus.

199 Siquis proinde compelleretur coram idolo genuflexere, vel thurificare, gravissimum peccatum foret id facere, tametsi externa illa genuflexio & thurificatio non ad idolum, sed ad Deum verum, vel ad latenter Crucifixum dirigetur. Sicque S. Congregatio de propaganda fide, Innocentio X. approbante, declaravit 12. Septembris 1645. ut videre licet apud Thomam Huradum, ad calcem fuarum resolutionum moralium de martyrio fidei.

200 Omnis itaque simulatio in materia religionis detestanda est, summâque libertate, erectoque animo fidei veritas praedicanda: quia nihil veritas erubescit, nisi solùmmodo abscondi, ait Tertullianus lib. 7. adversus Valent. c. 1. Verum, proh dolor! innumerí hodie Christiani Christum confiteri erubescunt in moribus, dum eos pudet christianam sectari modestiam, humilitatem, &c. vitâque suâ se mundi potius servos contentur, quam Christi. Innumerí etiam Christiani praedicare, & practicare erubescunt sermones Christi (adversantes laxitudibus saeculi) ne hominibus videantur Rigoristæ, seu nimis rigidi. Ait vero Christus, quod coram Patre suo non eos solùm erubescit, qui ipsum, sed & qui sermones ipsius erubuerint. Qua de re plura infra c. seq.

CAPUT XV.

Casus, in quibus censur, vel non censur quis fidem negare.

201 Primo fidem negasse censur Libellati illi, de quibus Cyprianus epist. 15. 31. 52. & in tract. de lapis, qui scilicet ne pro fide cruciarentur, vel ad Magistratus traherentur, pecuniâ libellum a Magistris obtinebant, testificantem quod sacrificassem, seu Imperatorum editi satisficerent, prohibentemque ne fidei causâ comprehendenderent. Quia accipere testimonium idolatriæ, quasi per te commissa, et si non commiseris, est velle reputari pro idololatria.

202 Teste tamen Ludovico de la Cerdá in adversarii sacrâ c. 129. fuerunt alii Libellatici, qui, ne humana fragilitate in tormentis deficerent, data Magistratu pecuniâ, ab eo libellum obtinebant, in quo Magistratus, sine ulla testificatione hujumodi, nihil aliud faciebat, nisi ministris suis, & satellitibus praecipere ne latorem libelli Christianæ religionis causâ comprehenderent. Et isti nihil illicitum committebant. Cum licitum sit pecuniâ redimere inquam vexationem, seu persecutionem, à qua sicut elongare se licet fugiendo, sic & eam à se elongare, pecuniâ danno. Cum hoc nihil aliud sit, nisi pecuniâ dare, ne tormentis urgaris fidem ne-

gare, vel idolis sacrificare. Quodque licet inquam vexationem pecuniâ redimere, suo nos exemplo Act. 17. docuerunt Jason, & alii discipuli Pauli, qui datâ pecuniâ summa fidei redemerunt à vexatione Gentilium, & Iudeorum Thessalonicensium.

Et hinc incarcernati, vel cruciati propter 203 fidem, possent è carcere, vel tormentis fugere, etiam datâ custodibus vel tortoribus pecuniâ, ut abire permitterentur, si hoc absque scandalo fieri posset. Quod si socius quadrangula Martyrum, è stagno gelido in balneum tepescatum fugiens, reputatus fuit fidei desertor: hoc non idcirco præcise, quia è stagno gelido exivit, sed quia ingressus in balneum tepescatum, à Tyranno præfixus fuerat in signum negationis fidei.

204 2º. Fidem negare censur, qui negant se Christianos, in iis circumstantiis, in quibus negatio ita significat, ut sonat, Christianæ religionis negationem, & non solùm negationem politici hostis certæ nationis, adversus quam Christiani bellum gerunt. In his quippe circumstantiis, negare se Christianum, perinde est ac negare se Hispanum, Italum, &c.

205 3º. Qui interrogati ab hereticis, an sint Roman-Catholici, Papistæ, &c., id negant. Cum enim apud hereticos *Papista* idem valeat, ac sectator fidei seu Ecclesia Romana; qui negat se Papistam, negat se fidei Romanae sectatorem. Secundum dicendum de eo qui interrogatus, an sit Sacerdos, Monachus, &c. id negat: cum enim multi Catholici sint non Sacerdotes, non Monachi, &c. negatio Sacerdotii, Monachismi, &c. non cenieatur negatio Catholicismi.

206 4º. Qui interrogati, cuius sint religio- nis, respondent se esse Mahometanos, Calvinistas, &c. Ea quippe responsione non solùm negant Catholicismum (nullus quippe Mahometanus, Calvinista, &c. Catholicus est), verum etiam profitentur sectam Catholicismo contraria.

207 5º. Quicumque usurpant ceremonias, & ritus, ex natura sua, vel ex iuu, seu institutione hominum, significantes cultum, vel professionem fallacis religionis, cuiusmodi sunt thurificare, vel genuflexere coram idolo; coenam Calvinisticam cum solemnitate solita fumere; cum hereticis Psalmos canere; coram heretico Ministro, in templis ipsorum, matrimonia celebrare; vel in hereticorum Communitate profiteri se conjungi cum Communitate sancta Dei, &c. Hoc est enim, vel verbo, vel facto profiteri se idololatram, Calvinistam, &c.

A nonnullis tamen Authoribus non parvi nominis, Catholici permittuntur hereticorum matrimoniis, vel funeribus, ritu heretico peractis, affilere, non ut religiosum honorem deferant matrimonio, vel funeri taliter peracto, sed ut civilem honorem amicis deferant, purè spectando ea, quæ agun-